

涇野先生文集

涇野先生文集卷之十六

序十六

別程惟信詩序

予自至南都中傷暑濕雙足艱履日事湯藥鮮接賓客戊子之秋歛進士程惟時訪予柳灣精舍語論契合別久懷思明年其弟進士惟信亦獲會焉未稔也又明年移居鷺峯東所惟信方業太學乃數聚論學情好亦篤惟信曰世之論學者言或出事物之表行或滯塵俗之中以然論之學惟言行合一之為美乎

今之義冠博帶徐行闊步踈假山人者兩言概其衷曲矣一二縱橫居士援引私在知與者不與也甚之有如妄言時事者異

予曰惟信而及此學可謂知本矣易不云乎默而識之不言而信存乎德行於此有人焉辯如懸河談如鼓簧非不可聽也然文飾之頃肺肝畢見耳聞之心鄙之不以為偽則以為欺是言而不信者也於此有人焉訥如杜口默如結舌非不可畧也然形著之間風神具存目視之心重之不以為醇則以為真是不言而信者也夫言與行豈惟合一者哉故曰君子與其言浮於行也無寧行浮於言今之士於先聖賢求其行則不如然每於其言則議之素甚不取也惟信

之歸與子之兄其殆免此失乎惟信而免夫今之士也則子之兄之名子之字之義其謂之何。

別東郭子鄒氏序

予與東郭鄒氏之在南都也三年矣每以居室之遠會不能數然會必講學講必各執所見十二三不合焉初會於予第東郭曰行即是知譬如登樓不至其上則不見樓上所有之物予應之曰苟目不見樓梯將何所以加足以至其上哉東郭亦不以為然他日同適太學雪中行已過長安街北矣東郭曰今之太

學非行安能知哉。子指前阜曰：非斯人先知適太學之路以引馬。子與子幾何不出聚寶門外乎？蓋自是所講數類此。乃東郭又以學問思辯以為篤行。於知及之亦然也。子曰：非知之艱，行之惟艱。非有商傳說之言乎？世之先生長者，恐人徒知而不能行，至於立論過激，以為行然後真知耳。非謂以知便是行也。是故格物致知，明善知天，皆屬知。誠正脩齊存心養性，皆屬行。但行必由知而入，知至必能行耳。有學於邵氏之門者，或見子，子必以予之所見者告之。且曰：今

三語先
生實學

終不能
解即是
的見別
後猶前
說即是
的語

之學以其貧為本。改過為急。苟能行焉。講知行之不
合無損也。苟不行焉。雖講知行之合無益也。然而其
徒多守其師說。未之能信也。間有從予遊者。亦謁東
郭氏。東郭子誨之曰。知即是行。人能致良知焉。則非
義襲而取也。予曰。此說固然。然必知義之所在。而後
可集耳。東郭且行。恐予猶懵然。於是也。過予。復論之。
其愛厚之心甚盛也。然予終不能解。惟以前說宛轉
開陳。遂講及執一之學。喜同惡異之弊。累數千言。而
後已。東郭子始少然之。恐東郭子別後。猶前說也。書

之卷以贈

別寇子惇序

論學必
如登九級
台周覽
思前聖
耳

南京大理寇子惇將行友人呂子別之曰夫學有五
美亦有五不美夫忠信不譎則美固執有志力則美
簡淡則美不畏高明雪顰獨則美持此道終其身不
易則美夫忠信不譎弗克明則或速欺侮則不美固
執有志力弗克變則事憤則不美簡淡之流弊守雌
守黑則不美不畏高明雪顰獨乃或長傲長姦則不
美持此道終其身不易而不知也則差毫釐繆千里

則不美。故君子之道博其學。所以求明也。精。審權衡。所以經物也。有守。以藏其用。有為。以顯其體。所以為達也。恭。以出其正義。以行其慈。所以宅上下也。如天地。無不覆載。所以廣所受也。知所美之在此。而天下莫能加焉。所以終其身而自不能易也。冠子曰然。

門牆拜別詩序

門牆拜別河東書院諸士子送南厓沈公之作也。書院自西渠張子建設之時。選取運學及諸州縣俊髦學習其中。又簡徵師儒分經以教。一時文風蔚奮。豪

理雖思
造士時
亦空谷
足音矣
今其常
也涇野
深于道
此之序
別其文
藻績其
致橋建

傑輩出自是厥後選士或止于運學徵師不及于他
郡業既未廣績亦弗懋嘉靖六年之春南厓子醴政
少暇篤思造士于是歷試運解安邑三學之士拔其
優列登籍書院命有司月給餼廩徵解州學正周冕
授易禮春秋潭州學正郭顯文授書臨汾教諭辛珍
授詩而梅間一至焉以考德問業公則躬率于上發
視于下稽其出入課其優劣勸懲其勤惰未洽暮年
士爭刮磨向進浴德而澡行雖為太學生者亦多競
進彬彬乎濟濟乎似可以企唐虞之風矣夫誠不三

則偽習熾公不至則比黨興明不足則讒謗流是故
熱者火也寒者水也謂水為熱火為寒者偽也驟雨
時行其至之地熱其不至之地荒若夫同雲霖霖則
無復不稔者矣故君子公則和而廣比則戾而隘鏡
之于物也妍媸莫遁焉冒之以塵垢則西施為嫫母
矣夫常曰吾為秀才時赤子之心常存入仕以來則
有妨則有戒則有測反不秀才時若矣此其慎獨之
學雖鬼神可質不亦火熱而水寒哉公之于法也予
侍公一年矣未嘗一言于公他人亦未嘗以一言于

予以及公知公之不可惑而此也。賢者貌愚不肖者貌麗。知者言訥。僂者言利。以故者言婉。以售者言卑。欲行其讒者其言游。公皆能辯而折之。無爽毫髮。不明而能之乎。是故諸士子于公之行也。心實思之。非身之徒行也。身實行之。非口之徒言也。若夫築堰足課鰲鹽通商。則公之緒餘耳。

涇野先生文集卷之十六

涇野先生文集卷之十七

後學北地李植

記一

南京工部重脩

太廟成欽受勅書記

初南京工部等衙門右侍郎等官何公瑋等會題修理事宜太廟為先及山陰何公詔來履尚書任尤請急務會同內外守備等官復請於

上首舉斯役方越一年工用告成乃皆諸臣奏言曰

曹以閔
宮頌商
以懷成
頌為其
安先靈
崇世功也

留都非
祖宗根
本地乎
其為是
記義重
人矣記
中五至
等說是
文章家
議論非
謂重且
大者

茲舉也臣等惟協謀供事爾乃人心兢勸早獲成工
實

皇上孝誠之所感

聖祖神靈之所佑也於是

皇上稱其盡心督理節省財力勞績可嘉特降

勅褒獎以酬其勞用稱孝思之誠兩都諸公卿舉

首嘆曰

聖上奉先之孝何公為臣之忠皆可觀矣他日其僚

右侍郎張公羽偕其屬謂尚寶司卿呂柟曰此誠

明時之盛典也尚寶故史氏宜敘述將加諸石以告
後桷聞之君子之營宗廟有五至焉一曰至敬以
孚神二曰至儉以節財三曰至惠以慈民四曰至勤
以致期五曰至公以範後昔魯未脩御廩而嘗春秋
譏其不敬乃公初任惟茲為正易櫪布筵罔不定嘉
嘗從諸公卿并觀恍若天府可謂至敬足以孚神矣
初部司會計工料用銀五萬有奇及工之成萬有一
千而已比於正德間脩寢殿之費計省十七可謂
至儉足以節財矣其為用也取九千金於蘆課班匠

取二千金於缺卸柴薪取鐵栗松木及杉楠雜木於清江寶船二塢及瓦屑壩諸局取磚灰於琉璃者窯取原買過修宮大木以借用取銅絲金箔硃漆簾蔑油麻諸顏料於庫市皆不一派於下而傷乎民可謂至惠足以慈民矣正德之工經五年而後考今之落成者正殿九楹二廡三楹并櫺星諸門神庫及宰牲諸亭燎牲諸房且百餘楹或更新或飾舊其工十倍於昔也乃日率其屬陳謨勞來督課不遑暇食始於嘉靖庚寅二月瀕辛卯五月而畢無偁日焉

可謂至勤足以致期矣。昔趙充國屯田湟中。比其歸也。有浩星賜者。勸其勿告兵事。利害於上。恐嫌矜滿。充國曰。吾老矣。若計小嫌不言。恐後無人言者。非國之福。茲也。勒石以告後其為國家用財慮者甚遠。可謂至公。是以範後矣。夫具茲五至。足徵一忠。建茲一忠。豈不足稱。

聖孝之誠哉。且公自為郎官知府。以至巡撫司寇。皆加意窮民存心節財。行將入為宰衡。當益上輔聖主。繼述之本。臻位育之化。彌災青而綏華夷。所謂

明郊社禘嘗之義治國如視掌者又可覩矣蓋不啻修其祖廟已邪

夏縣重修大禹廟記

正德十年臨潼人楊樞子極知夏縣大禹廟圯樞重建焉其規弘固于昔者二十也夏人問記焉呂柟曰於乎大哉禹乎天由是明地由是理人由是定兼三才而成之者其禹乎昔者孔子曰吾說夏禮杞不足徵也吾得夏時焉故至於今行之不易也劉康公及趙武臨河曰微禹吾其魚乎故至於今履之弗溺也

嘗過金
山而讀
記信禹
之無間
也合此
篇觀之
乃知禹
之無間
宜止台
德尤在
顯俊也
記

箕子曰天乃錫禹洪範九疇彝倫攸叙故至於今從
之弗能亂也兼三才而成之者其禹乎時有脩仲渠
者與聞焉問曰昔禹治洪水手胼足胝猶繼之以跋
兪懼仲渠之難績也曰非然也柎聞禹有九手故不
僂禹有九足故不痺是故乘輶于北朝岍岐而暮至
碣石矣乘橈于南暮沱潛而朝過九江矣今子以一
手足而治仲渠幾何不跌而跋哉如於四海吾見其
沒子也可得聞與曰吾聞禹之治水也左鍾右鼓前
靴後鑿夙夜縣鐸故能以九州人手為手以九州人

足為足。是以不行而至。不疾而速。若是神也。書曰。禹
拜昌言。其斯之謂與。故舜有四目四耳。斯無為矣。禹
有九手九足。斯無事矣。傳曰。舜目重瞳。芒芒禹跡。經
啟九道。蓋謂是乎。曰。若是我知仲渠矣。曰。其然乎。柟
嘗過王市矣。一肆沽璞。一肆沽砮。砮有千金之客。睨
璞而不顧。解千金買砮。砮以歸。以視王人。王人曰。非
玉也。返則行矣。如常。不識玉。吾懼子之入市而買砮
砮也。然則柟何。曰。柟聞舜告禹曰。人心惟危。道心惟
微。惟精惟一。允執厥中。故能知夫昌言也。於是夏人

夫子之
墻教切
豈崇廟
純初公
但處置
得宜者
耳注野
遂演修

以為發禹也。勒諸他山之石，以為楊子之知務。

夫子像殿記

河東書院前御史安陽張仲脩所建。而夫子遺像石
刻乃立於退思堂後。四教亭下。當人往來必由之地。
至其下者。每不能常恭。蓋禮主於恭。恭數則慢。生心
主於敬。敬數則褻。起。今巡按潛江初公曰。書院諸布
設皆善。獨夫子像當路不可流觀。其中見九峯山比
峙。而書樓巋巋然在前。曰。是非安祀夫子所邪。乃命
運司移像於九峯山之南麓。既定。乃起殿三楹。四壁

德之訓則啓升堂入室之閑肆而節魯淵源如指掌

內至塗外皆輓轡丹牖朱戶煥然山前南望書樓若夫子身所指以示後學也八公嘗選學中俊士四十餘人肄業書院比秋已舉三人今年又選少敏者十餘人亦肄書院且謂之曰爾諸生知遵夫子之道乎夫進學以脩德為先素行一虧其餘不足觀已大本既失所學亦奚以為諸生若外矯飭而內姦回口詩書而心市井或騁血氣而凌傲師長或挾仇讐而傾擠朋儕或家居而倫理弗惇或外遊而行檢不飾皆得罪夫子者也致知以力行為重而進道以篤志為本

志苟不篤雖日置夫子於當路祇成褻慢耳茲殿之成蓋不獨尊安夫子之像亦使爾諸士子知所以敬夫子者在實不在文在信不在貌也

重修洙泗講壇記

洙泗講壇在孔林東一里乃夫子與其徒三千講道之地也自夫子歿子貢輦築塲之後人專事孔林此地鞠為茂草二千餘年至元戊寅宣尉東野潛偕孔澈嘗脩復焉

明興猶新正德中盜火其門殿廡亦敝嘉靖改元巡

玄思高
論真定
一代名
筆自此
天球獨
振而秦

按山東李御史獻暨吾副使山東孟叅議洋乃重脩而增治之未落成呂叅政經繼完其事使使問記脩撰高陵呂柟曰嗟乎昔夫子眠不及時食不及日與其徒栖栖皇皇思以救天下教萬世者此地正其本根乃後之人忽知其事雖廣建墓石繁植宰木豈夫子所欲乎或曰夫子之道固難格於後世周以來稱盛時者非漢魏隋唐宋元邪斯其代不盡講而見用者則為蕭曹房杜不見用而能講者則為董王程朱且講且用而行其私則為禹雄林甫安石曰嗟乎是

前班俗
不得松
賞識矣
孔子之
教無言
豈非講
說後世
講孔子
者且誤
而且誤
其真耳

謂講者未必用。用者未必講。且講且用者。未必於夫
子之道益也。且夫子之道。何道也。伏羲之卦文。炎帝
之耒耜。軒轅氏之衣裳。堯之中。舜禹之精一者也。可
以生人。可以秀人。可以阜人。可以壽人。是故能反回
之信。能屈賜之敏。能怯由之勇。能實師之莊。斯道之
講於學者也。取時于夏。取輅于殷。取冕于周。取韶于
虞。斯道之講於政者也。子思子曰。萬物並育而不相
害。道並行而不相悖。小德川流。大德敦化。此其實乎。
後世見用於時者。或先立而後權。是故道敵于權矣。能

從前無
人發得
如此真
切痛快

講于下者。或後權而先立。是故道細於立矣。且講且
用而為之害者。既非共學。猶難適道。故權立俱喪矣。
今夫夫子之道。猶大路也。塗亦可通。巷亦可通。有能
為方駕之軌者。亦可通。夫子之道。猶大海也。鑿亦可
取。瓶亦可取。有能為萬石之觔者。亦可取。是故以容
教子。桑則可以容。教子。張則不可以言。教子。騫則可
以言。教子。我則不可。何者。主靜非不善也。施於陸氏
之門。益其禪也。務憐非不善也。施於王氏之門。豐其
辭也。故夫子所講之道。鮮矣。故佛氏何得而議我也。

故老氏何得而笑我也故治日常少亂日常多也然則洙泗講壇之脩將斯道可由是而明乎將夫子之靈其真在於斯乎

高陵后土宮記

此宮廟
得先生
文庶乎
可存而
不廢矣

高陵距河門東壯有祠焉土人因其像曰孃孃廟成化初提學副使伍公福扁其殿曰后土宮弘治中知縣朱璜時社人建獻殿焉記其梁曰坤柔宮柁自先世以來生長神之境毫髮以上皆神所賜然求其名不得其義蓋如土人之稱意雖親近于褻如大夫學

士之稱意雖尊。近于僭。褻則不恭。僭則難格。社人何
以事神。考古經據今典。此其方社之廟乎。夫社能出
百穀。養庶民。社陰也有母道。土人之稱。或因是而生
也。然不可忘其故。社土也。實地類。大夫學士之稱。或
因是而廣也。然不可無其方。昔者魯大夫季孫意如
旅泰山。孔子譏其非分。庶人而祭地。祗其制何居。若
如土人稱謂。昔櫛髮坐水。鞭龍騰仙者。說則又惑衆
誣民。莫甚焉。其肯經遠矣。故謂祠為方社之神。故曰
高陵石土宮云我。

社稷為
生民而
立曰為
民則無
害變異
矣此論
甚正可
破淫祠
禱祀之
惑云

太祖高皇帝制天下鄉飲酒禮府州縣官行之學宮
社飲酒禮里人百家行之社祭之宮故今東街社人
春祭神以三月十八日即古祈穀之意其遇雨而賀
即古秋報之意其他遇旱而雩遇災而禳遇疾病而
禱遇無子孫而乞遇元宵獻燈皆于神所然惟祈報
之禮既畢社人序齒燕飲猶存初制而神為方杜審
矣夫神既主一方生民之命是默贊地天之泰陰暢
山川之鬱光毓品彙之生茲保元元申眷窮獨使君
子獲福足勸為善小人獲禍足懲為惡一方人衆戴

神真如慈母、畏神真如鳴雷、美是廟也。北垣枕古官道、闊十二丈、有八尺。南垣亦臨官道、闊十丈、自北而南、延垣四十二丈、有五尺。正殿五楹、南面。後寢三楹、湫池在其中、甃甃幾至泉、療疾者、率取水焉。獻殿三楹、在正殿之前、中虛四達。其南鉄鑄醮盆、高方丈、鉄香鼎、高四尺、在殿內。鑄在盆東、小鐘在後寢內。東順盆南、五尋為露臺之南。大門三楹、廡在獻殿左右。皆三楹。殿東迤北、有道院焉。司香火者居之。殿西以北、有屋三楹、蓋古集場坊所改建者也。社中士人多。

讀書其中榘舉人時亦嘗居以授徒焉因名曰雲榘
精舍夫榘既論記如右已矣以俟正于後之君子乃
復為詩二章使春秋有事祈報者歌頌焉

重修義勇武安王廟記

予嘗兩至燕子磯謁王之祠廟其廟兩面向江而開
盡收江山之勝蓋自隋唐以來有之乃嘆曰王之靈
其安於此乎同行者曰夫王四海之內家祀而屋祝
乃獨安於此何曰王之生也志欲恢復漢室兼吳以
誅魏用成一統之業乃為吳陸遜呂蒙陰行譖詐斃

孺子巧
 計圖王
 人但知
 王有監
 髮裂眦
 之報此
 血食三
 固足謝
 壽亭之
 靈乎類
 湮謂六
 國未亡
 而靡先
 亡意義
 類此彼
 弱蜀以
 附魏者
 亦有負

王於當陽長坂。吳謂可以萬年江左以圖神器也。豈
 意不數載。孫皓面縛歸魏。至晉唐絕百餘年也。王已
 祠乎其地。凡吳之士女老稚。病則禱痊。險則禱濟。危
 則禱安。旱則禱雨。兵則禱平。水火則禱息。絕口不稱
 權遜革。惟王之尊焉。則王生雖不能取。吳死已有其
 地而血食之矣。初吳之請婚。王嘗罵以貉子而絕之。
 今其人果安在哉。故曰王之靈其安於此乎。於戲勢
 利在人。有時而歇。天理在人。無日而泯。此豈惟見王
 之志常存。而人心之不死可見也。予判解時嘗叙刻

松園士
之風矣

王集其畧曰。當漢末世。劉先主以帝世之胄。志復漢室。分義攸宜。諸葛孔明讀書隆中。諳曉邪正。亦必待三顧而後起。則亦君子之常。惟王家在解梁。身為布衣。爾乃見超乎億人之上。超乎數千里之外。擇主而事。挾義而興。使先主恢復之志。首決者皆王之力。則夫資稟之高。學問之正。睠茲叔季。鮮其儔匹。配義與道。此真其勇乎。孔明因論馬超推王在黥彭之上。自為絕倫。豈曰無見夫人而直。雖死猶生。人而不直。雖生猶死。人而仁。雖屈實榮。人而不仁。雖伸實辱。王可

當孔孟所論直仁者乎。王嘗曰日在天之上。心在人之內。後欲觀王之心者。惟當觀天上之日耳。則王之靈固已通天地貫古今。其安於此。又不足言矣。同行者曰。然是時道士陳永淳與其徒鄭德臣隨侍拜之。而曰王之廟又建。

武宗南巡。嘗至耻其隘陋。憫其傾圯。於是南京守備太監黃公倡諸中貴。捐貲脩闢。今始煥然宏闊。軒朗卒為棲神所矣。碑礪木記時同行者。則前監察御史開州王公濬也。為之轉請。遂錄其言付之。在嘉靖辛

卯之中秋日

重建薛文清公祠堂記

文清公薛先生祠在其縣河津南街東面粵自弘治九年之夏給事有奏禮科楊肅禮部具題

朝下省邑鼎建祠宇兼賜名額崇儒重道日照月臨

爾乃草創之初規制隘陋久且傾頽嘉靖五年三月

山西按察副使王公光勝武按部河津奮然興懷欲於

本道贓罰米石量除百金為增脩具遂告諸巡撫都

御史江公貴溪巡按御史馬公信陽儲公襄陽初公良材

文清公
理學之
赤幘也
讀其語
創合之
非羽而
同孔支
神天地
神乎淫
河津

潛江咸嘉所舉有褒揚辭馬公又發金五十改建舊

坊尚書坊初公亦為祠事先降十金於是王公委平陽

同知許君琦猗氏知縣張翼董其事乃買民地僧院

增拓厥基建廟五楹廊廡重門鳥革翬飛謂栴嘗從

儲初二公至河津謁先生也請記其事嗟乎先生今

代儒之道學其一人乎先生之生也紫衣兆母齊之

夢母將就館夢紫衣人來啼聲動祖義之卜先生生有異質家

乃五臟露如水晶其清透骨七歲通乎論孟其智隣

神方垂髫髻叅議欲請見而不往謂李既嬰法豸師

宗問

一謂勃勃
勃神生
故其表
章昭揭
上可磨
日月之
光下可
機奸橫
之魄

保求識面而不得楊文真道若可行雖卑官不屈先

大理少卿後義如難從於權勢奚顧謂抗玉田謫戍

皆元之耆儒也不敢以師自居稱聖門之有人先生

五六隨父在玉田諸御史謫者永嘉徐懷王高密親
希文齊南王素率父請之敬先生諸君皆以友處

金陵鎮守皆時之巨鎗也不敢以勢自處雖却扇而

不怒太監興安素誠於端午送扇先疏講學以禦侮

虜既入而遽退已已布恩信以撫苗檄方馳而蠻平

語貴州都帥辯冤獲咎逆師保而不悔蘇松飢民乞粟富

少保王文懲奸伸法雖豪右之罔赦在南京或雪夜

往勘事大理寺

以抄經雖獄院而誦易謂辯誣忤王志在作人一磬

士之必錄提學山東法若可伸於軍妻之必辯謂校尉

之妄誣其妻賀氏歷魁其夫事既受爵於公朝不知私室之謝恩為

理少卿時對楊士奇曹魯時語王振擅權公卿屈事欲傳道與來學豈對科舉

之旁問稱病出閣寧犯乎吉祥謂諸公拜慷慨就獄

思比於劉球學士劉球先忤英廟易服以見若遇汲

黯之必冠時上小帽短衣聞石亨請勅與歸則舉

許衡之懸梁時亨又請勅與先生教鄉見機而行於

醴酒不設之時見石亨弄得書而比於居落不答之

老謂待李賢諸公書

守車輪戶牖之志監銀場而黜貪墨一

時軒耿諸公不足以方其清也

謂都御史倪尚書九疇

為菽粟

布帛之文錄讀書而究性理一時劉李諸公不足以

並其文也

謂文之定之文達賢

故蹇夏三楊勲矣人或議其節

忠定義忠靖原文真士奇文敏榮文定溥

張許劉周節矣人或議其幾

冢宰沈修撰觀學士球紀善是脩

吳陳羅胡有極高明之學道中庸

恐未同

諭德與嗣檢計敏章脩撰倫敬齋居敬

黃李王于有以身殉國

之勇盡精微恐不逮

思宣福祭酒時勉司馬肅愍

若乃先生以

力行為讀書以明道為脩辭清而不詭異而且同潛

學孔顏抗志程朱老不殊壯困未改通許魯齋之後

未有見其能比者也故當其存時或曰今夫子山東

方士或曰真鉄漢通政李錫稱或曰好官一人太監金英稱或

曰不愧往哲冢宰何文淵稱薦或曰躬行實踐學士

稱且薦或曰本朝理學一人太學士李賢稱或曰學已至乎

樂地都御史張鼎稱其不平者止權貴耳及其既歿或曰今

之真儒當入孔廟禮科給事中張九功奏或曰明體適用比元

大儒當入後祀工部侍郎姚謨奏或曰潛心理學可祀廟庭

布政許或曰有功名教脩食廟庭無忝冢宰喬宇序其未

讚奏

祀者蓋有待耳然則今日之舉振頽風而警後學廣
德意而顯前哲豈為泰乎且是祀王公之父屬丞河
津時受委上司所督脩者也丞嘗言當事制于掌印
程期則逼於尊官使建置之未稱雖棄官而猶悔冢
嗣憲副思光前志繼脩遺績夢雖微於王氏今實兆
於有薛丞脩祀時憲副尚夫舉丞兄夢於先生先生告之吉語謂先生之匪神
胡前知之如覩既哲靈之不沒庶寢成之孔安先生
諱瑄字德溫別號敬軒文清其謚云

重脩南鄭縣儒學宮廟記

土者
意人
信不
聽學
百之類
也故
不存諫
諫也

夫政有統紀。由教者新。教有規模。尊師者隆。師有胚胎。育徒者切。故君子不知幾不足。與有行也。不知大不足。與有用也。聖人之道。譬之庶人。則宗祖也。冢祀而戶祝。譬之帝王。則天地也。宜南郊而北社。然繁儀不若重言。重言莫如體道。體道莫如信經。昔漢高帝之王漢中也。固常懷少牢之誠于夫子。想君臣之儀于綿蕞。文景武昭光明之世。大啓膠庠。丕闡儒風。海內康義。不愧于商周。中間數傳。咸晚秉政。嬖倖據路。天下紛紛然亂。則亦博士倚席不講。學舍鞠爲園。

顧地方
羸蝕不
一則不可
無變通
之權不
然道旁
而築室
也

疏之故也。今天下一統，建學薄于四海。然時替而歲新，之則在有土之良吏耳。夫俗之隆污，賢才之多寡，政之興廢，咸決于是。夫南鄭固漢漢中地，今漢中為陝西省，郡南鄭則郡附郭，邑郡邑各一學，而夫子廟尊經閣則共之，蓋

國初洪武八年，知縣陳師錫之所創建。成化九年，按察副使東平梁公觀之，徙置今地者也。二學夾廟而離，迤市廛固士子所也。惟歲月既久，縣之脩飭庠舍傾圯，僅存厥基。正德戊巳之間，四明介齋呂公和江

政成如是即以學勞民無傷也

東碩儒陝西憲副既駐節于關西即行道于下車憫
茲庠之尤廢以興復為已任乃新尊經閣乃新明倫
堂乃齋乃號乃倉乃庫乃厨乃射乃及教官之第煥
然一新師生有依泐泐乎琴瑟之奏也芊芊乎菁莪
之茂也齊齊乎俎豆之列也蓋欲挽鄒魯之風不啻
為文翁之化縣有教諭淮陽陳君楫者舊知于予乃
使鄒生鳳謂予曰介齋先生之撫漢中也盈儲畜徧
郡縣空囹圄生草莽戍西鄉盜賊息線什伍賞罰信
若乃買山以築城効奸以庇民則尤其表表者也涇

野子曰此於介齋也何有夫道無無用之體人有不學而能蓋得其幾與本也易曰積豕之牙吉爲學爲政皆宜若是審也故由政而言崇教所以舉政也由學而言明理所以克己也介齋已見諸政諸生不可不從諸學不然豈惟負介齋作養之意而孔孟之所以爲吾徒者亦荒矣則夫土木之傷民財版築之勞民力又何言哉諸生其念之乎理是役者通判周君盛推官范君昇知縣牛良判簿郝貴而陳君及訓導翰則又其正教諸生者也

新脩劔州名宦鄉賢祠記

李白夫守劔州四年柘城以據險裒民以實州開市以簪商嚴賦以餉邊籍兵以禦暴則旣增劔門之險矣疑其非本也乃復禁婚姻之瀆申喪祭之典斷質劑之弊息鬻證之訟罷誣盜之奸又疑其非示久遠矣乃復崇孔明之祭新無山之祠建忠義之廟遂旁搜碑志采摭群傳得仕于劔者之名宦五人焉曰李德新頻曰張文節知白曰趙教授大全曰陳先祖陞卿曰禹狄道祥得生于劔者之鄉賢七人焉曰景漢

凡治惟
二祠不
可無蓋
而戒深
欲風化
廣也此
舉此序
的然名
理劍關
外由然
伏五百
干德執
豈容奸

伯鸞曰李巨游業曰李養正迺曰王孝于讚諦曰文
博士同曰王清虛山人省曰陳進士槩乃請諸御史
盧君師邵立祠以祀焉師邵曰可共祠祀之名宦東
室鄉賢西室白夫遂走使問記呂柟曰固國莫如守
民守民莫如振俗振俗莫如存紀夫君子之志可則
也其言不可遺也君子之行可程也其政不可磨也
日月晦則天不明山川晦則地不靈聖賢晦則人不
立故鄉賢者俗之表名宦者政之紀也俗良而民志
定紀正而民力足斯其道以理天下可也夫劍門兩

維
閩
入也

川之咽喉。全蜀之保障。一夫據萬夫懾。天下之至險也。然邇來趙錢屠于前。鄢藍陷于後。豈其無一夫哉。故先民以仁。猶有殘夫。先民以利。叛夫多矣。易曰。豮豕之牙。吉。故君子嗜風俗如飲食。好紀綱如衣裳。其所志者深也。夫德新端而威文節清而介。教授訓而理光。祖惠而信。狄道直而廉。仕于劒者皆如此。紀綱有不存乎。漢伯博而遠。巨游節而忠。養正玄而公。不子信而紀。博士潔而高。清虛山人靜而逸。進士直而明。學于劒者皆如此。風俗有不一乎。語曰。欲視其影。

願視其履天下之道貞夫一者也故君子處爲鄉賢
斯能出爲名官是故其祠一也其祠一其教切矣夫
人不瞻山則不知所履之卑不觀海則不知所至之
淺如親政而無匹休之志者民賊也如見賢而乏思
齊之心者鳥獸也後之君子可不懼乎今天下多事
征歛百出盜竊時發奔競風行白夫乃能虞其本而
圖之而百度亦作是能聞幽廣迪昭古訓今上奉邦
國下固全蜀矣恐他日之祠亦不能免白夫也白夫
名壁廣西武緣人師邵名雍蘇州人

李氏家廟記

從來人
未說破
耳其實
武周制
禮通於
上下但

劍州太守李白夫使其子得輿得友獻書于子曰壁
廣西武緣人要荒之俗崇淫鬼忽事祖禰壁嘗謀諸
兄璿建祠堂焉有廟有垣有廡有阼階有西階有陳
有厨有庫廟中有龕藏先世神主告蠲之儀俱從故
與重懼後人之渝泯茲追遠之志謁記登石用垂不
磨呂柟曰禮天子七廟諸侯五廟大夫三廟適士二
廟官師一廟說禮者曰七廟者有七世也若官師止
祀一世不得祭其祖宋程氏禮冬至祭始祖朱子曰

蓋其分所宜忍
使庶人不祀也
接朱二
家禮但
言儀節
不言隆
殺想亦
倣周禮
等倫原
有定級
特因後
人踴簡
詳其周
折亦非
如後人

燕則不敢故家禮祀止四世夫三代諸侯多出于天子其始祖天子祀之矣故諸侯五廟大夫多出于諸侯其高祖諸侯祀之矣故大夫三廟適士官師多出于大夫其曾祖大夫祀之矣故適士官師二廟一廟自漢以來郡縣天下諸侯非繼禰之宗大夫有百世之胤諸侯而棄始祖大夫而棄高祖適士而棄曾祖官師而棄祖則庶人例當棄其父矣夫自天子至庶人分有貴賤而祖無親疎之異禮有隆殺而孝無彼此之殊竊議天子七廟七世太上也公侯卿相一廟

尊卑混
增也再
詳
處極
變情

五禋祀五世大夫一廟三禋祀五世即吏一廟二禋
祀五世庶人宗子祀五世于寢似亦義起之禮也如
家禮之說援古則似僭通衆則尊卑混淆故程氏禮
則近經今天下閭閻庶民多盡神主于軸其譜牒可
考之家雖十世祖皆祀之矣未聞有禁也故程氏禮
本人情通上下可以發孝可以殫仁可以洞幽可以
昭明可以酌古可以準今于孝子順孫之義其庶幾
乎雖然此文也如諸侯大夫能治其國家雖豚肩不
掩豆其祖罔享之如其廢政妨賢病國害民雖八佾

雍徹其祖亦怨恫也。白夫孝親友兄弟極其純篤。自
筮仕以來。直躬率士。有古胡瑗之風。鄉人自蜀來者。
言劍州民戴太守如父母。路遺馬策。人不敢拾。然此
猶白夫之細耳。白夫志邇伊洛。而道存明誠。固已玄
格其先人矣。詎止作此廟哉。雖古之君子將營宮室。
宮廟為先。今之君子將營宮室。宗廟為後者。亦鮮矣。
白夫斯舉。蓋將起數代之廢變。有粵之俗。李氏子孫
其善繼之哉。

董仲舒祀田記

漢至今
凡何年
能感人
若此信
董子度
越諸子
也或曰

新昌劉君讓判兩淮鹽蒞政四年奉身自計乃捐常
秩百金買田于江都當青草沙爲方二十畝募民佃
種年徵租錢儲于丹廩貿物共簿正春秋祭漢董仲
舒祀事孔明新昌當官可謂知重矣董仲舒漢醇儒
孔子明先王之道志在春秋春秋孔子之政也七十
子襄田方吳起馭臂禽滑釐之徒接受孔門各成其
私於是蘇秦張儀犀首周最韓非申不害之徒變機
相軋攘聖人之道而亂之邠人孟軻闢邪說明春秋
以尊孔子莫能行也秦漢之間厄斯甚矣董仲舒一

黃子能化江都何不能以三策悟武帝是未知江都不命董子亦主父偃上書輦也而今未必有祀田也

師孔子進退容止非禮不行學士咸師尊之建元初對策言春秋大一統宜純用孔子術罷諸治申韓蘇張之言亂國政者自是邪說滅息統紀一孔子之道大明於世自董仲舒始然武帝不能用也乃令相江都王江都驕王也化又令相膠西猶江都也亦化足見其用春秋之道矣故劉向以爲王佐管晏弗及也呂步舒傳其業而不知公羊高發其指而不精故君子之道鮮矣故崇君子之道者亦又鮮矣又曰廣川董子故里膠西亦江都也亦有如新昌之舉者乎詩

曰于以奠之宗室牖下誰其尸之有齊季女夫天下
郡縣皆祀董子董子享不享戊辰十月

涇野先生文集卷之十七

先生文集卷十八

記二

河中書院題名記

亦見

蒲州城東舊有岱山神祠，頽夫常挾神以漁貨，男女錯雜于路，弗辨也。同知慶陽呂君道夫出行，見之曰：「是尚爲有岱神哉！夫岱，東嶽也。蒲，西河也。非其主，豈神故？雖瀆，不能神。」乃謀諸知州石首王君用章，改建河中書院，選籍蒲生學于厥中。二君遂告諸晉大夫咸嘉許焉。未汜歲而諸學生已駸駸然可科第者數

名實之辨即游夏不能贊一辭矣或曰三代以下士惟恐不好名何謂也曰是

十人也。二君曰：宜先立題名石以作之，遂使使問記。呂柟曰：夫名不可以莫之題也。有進士名，則諸舉人懷之；有舉人名，則諸學生懷之；諸學生故民也。至於有是二名，上以廣化，下以善俗，奚所不是？人之生也，孩孺不名，則親戚廢；游業不名，則四肢闕；仕宦不名，則祿位傾。昔夫子疾沒世之無名，至其自任成名小在執御，茲所題名豈當執御哉？雖然，學不究執御之旨，名舉人辱舉人，名進士辱進士。又奚貴於題茲名哉？不然，三年之間，題茲名者幾千人，如夫子以執御

名者無子夫焉。則名者又何謂耶。如得執御之名也。雖不題茲名。又奚憂哉。天四時運。斯名天。百物生。斯名地。晝夜定。斯名日月。動靜常。斯名川岳。無實而有名者。盜也。小實而大名者。幸也。暫實而久名者。微也。微以幸。君子不處。故一欲不窒。仁已隳。一利不斷。義名挫。一長不具。材名玷。君子之于名也。未齒而始有。沒齒而終有。蓋齊壽天地而竝光日月。此石焉能題其名乎。若乃生如春華。沒如秋草。雖題名太行之上。也。人亦弗之視矣。而况或長惡不材。處則嘉鄉。出則

病國則茲石之名召詬速戾莫甚焉又豈不爲予憂
題茲名哉

河東運司學進士題名記

天下鹽運司四多無學而河東有學天下學多立石
題名而河東題名於壁南昌熊子天秀巡鹽河東之
期年既已鞏禁垣鼎廟學瀕行而建題名碑走幣於
枹以問記夫河東較利之地運學講義之府商賈逐
末之流髦士務本之人故非義無以辨利非士無以
形商故作事莫如敦實敦實莫如尚名進士者未仕

文之組
織極工
者乃顧
名思義
循名責
實士君
子問德
考業此
其案鑰
乎蓋不
止文字
之組織
已矣

者之所求。以至者也。已仕者之所由。以行其志者也。其名可不重乎。故錄字以尊名也。錄經以原名也。錄登科次第以實名也。錄地以稽名也。錄官以成名也。錄始仕及未仕者。虛其下方以俟名也。錄始正統丁卯。本運學之復建也。諸士子朝升而暮降。左瞻而右顧。前之車後之轍。昔之形今之影。寧無怵惕於中乎。曰斯人寬以戒狹。曰斯人果以戒疑。曰斯人剛以戒懦。曰斯人廉以戒貪。曰斯人忠信以戒僞。曰斯人達以戒滯。曰斯人高尚以戒污。曰斯人諛病吾直。曰斯

人弱病吾立。曰斯人暴病吾仁。曰斯人險病吾心。曰斯人誇病吾德。奉七戒祛五病。于是考政。于是善俗。于是康國。其科巍其名。顯其熊子之志乎。不然則彼進士者。三年之間而四五百人。當日即弗聞者多矣。又奚貴邪。柵聞之昔者稷契題名於唐虞。益皐龍逢題名於夏。伊傅題名於商。七君子者固晉產也。名至今存。竝日月光。故有題一世名。有題千萬世名。諸士子如欲題千萬世名。以與七君子竝。則熊子固欲磨上黨之崖。礪太行之石。挽西河而橫。黑水乎天下矣。

熊子名蘭。姓呂。

兵部武選清吏司題名記

夫武選者。知銓注武人對文選設也。題名記者。題諸
郎中員外主事名而記之也。舊記事詳而名畧。茲陳
德英諸大夫。悉索洪武來選簿而申諸石。請枌記之
也。是故以終官係歷任。以歷任係發科。以發科係籍
以籍係字。以字係名氏。而屬之司三官。予以考勲而
詢姦。訊仁而摘暴。稽廉而尤貪。明明而耻幽。進壯而
退劣。崇實而卑譎。貴嚴而賤踈。兵有七程。題名近之。

武選所
司果重
此文青
成之者
至詳也
獨遺軍
政考察
豈以非
武選事
乎此司
非有執

夫自文武道分、文以知化、武以知衛、皆於民焉食之、其選不可不慎也。今天下都司五十一、番守司一、衛四百九十一、守禦屯田群牧所三百十一、番夷都司衛所四百七、而儀衛宣尉招討宣撫安撫長官司不計、則其為兵不啻萬億、為官不啻百千、食乎民力者不啻蓋矣。咸於斯司馬宰分、名可不題乎？故今制統軍以三爵伍府、聯軍以九職、謂總兵參將遊擊守備協守備倭提督等、榮官以十有二勲、柱國至武騎尉、秩官以二十有四階、榮祿大夫至忠、咸於斯司馬參達、名可苟題乎？故內以衛

武校尉

守者不
可實與
職方相
表裏藏
方少尚
通然必
執之定
而後用
通可也

官闕外以障邊陲中以宅生靈故雖上有部尚書左
右侍郎卿三人然皆提綱而挈領不及斯司之精專
下有職方武庫車駕三大夫司然皆析務而承緒不
及斯司之體要名可易題乎故

今法以六黃正親供

正續內貼外貼大小

以伍實釐誥勅

歸附征克

陞轉衛

以伍除微選簿

陞調復

以六地叙功次

北虜女直

西番苗蠻

以九誅慎軍機

殺降失機陷城

以四義銜

流官

都指揮僉事以上及義男女

以七逃斷世襲

典刑敗倫不孝

失機劫盜退陣

以八戍懲專縱

擅調發不策

以七罷

汪野先生文集

卷十八

五

戒不恪

緩報指需違期歇役私賣器馬等

以加陞課部卒以遞降練

什伍以附過

御還職以三試定武舉以考選比試併

鎗達材而程力故斯司郎中二文選員郎一文選主

事五文選而其遷之也內或列卿佐外或雄藩而鉅

鎮亦與文選畧等名豈徒題乎夫功莫大於安社稷嚴

莫大於存綱紀智莫大於止傳陞勇莫過於黜貪猾

信莫大守律令愛莫大於登賢才廉莫大於清交遊此

非其實耶夫實盛則名雖勿題而常存實之不足雖

好名者莫能保旬日美也

好名者莫能保旬日美也

國家百五十年來。郎中由范子敬。員外郎由李本主。事由孟禮。不啻千人。如得其實者。必其人名位勲德。顯如日月。至今猶誦慕之。則其字亦尊。名亦光。科亦榮。歷官亦重也。使其無實。固有如今日待查選簿而後知名者矣。如其待查選簿而後知名也。又奚能知其字與籍與科歷官哉。於是德英及路君敬夫及吾年友李君宣之。及蔣君汝潔。汪君汝潔。王君子中。皆曰。斯往也。敢使他日待查選簿而後知名。以辱吾子言。而愧斯石。柙曰。石選簿又何難焉。於是諸大夫咸

曰茲知所以先石選簿矣

重脩大興縣治記

武功人張邦獻舉為大興二年庶政積舉百廢就理愧縣宇之久頽思重脩焉乃問於順天府尹萬公仕鳴丞王公伯圻皆曰可又問於巡按御史亦曰可既乃上請于

帝帝曰輦轍邑廢且如此乃使工部給沒官材屋六十間則正德時幸僧法王方丈也邦獻乃作縣堂三楹南面左籥一楹為幕廳右籥一楹為庫其北作退

京邑係四分之
此均舉
之為重
根本計
乎而其
與也有
因宜情
時憂國
考之慨

省堂五楹前有穿堂三楹直達縣堂壯構縣堂前東
西廊皆十有四楹為六吏之房房各二楹戶又有糧
科兵又有馬政科刑工皆有南北科各二楹故通承
發架閣凡二十有八楹也儀門三楹左移達于承發
右移達于架閣先門三楹有鴈簷行狴在先門之內
儀門之外當西序之西東面急在穿堂東西皆三楹
氣橫突其前也皆有巷塗左自幕廳之東面門焉右
自庫牆之西而門焉縣官居第皆在退省之後既落
成邦獻以首問記予嘆曰壯哉斯縣之規乎遠哉邦

獻之志乎夫斯縣古薊縣也至遼而為析津府云金
與元則名大興亦或為府

國朝永樂初建昇壯平則為京縣凡天下縣千有一
百二十七莫能先也故斯縣官又加天下縣官一品
是宜勿陋往嘗報拜邦獻馬至先門檐瓦離離欲殞
踟躕而後敢入既升堂殘礫零甍丘積二墀周垣鏤
瑩皆齟凋宋廡椳櫨溜痕如雲兩廊苑斷如垂絲吏
僦民屋以居當刀筆詔而後入廐在後堂西墉下一
土櫪不能容賓馬予問其故邦獻曰斯縣自始建以

官治縣
而不能
作編流
中後日
新月感
目之良
增一慨

來守者視之以逆旅未嘗葺補至正德年滋甚構姦
接踵誅求百出閭閻無駐足縣官疲於奔命月十三
日升衙東門有玄明之宮西山有賽十景之寺珠玉
裝綴金碧交錯費踰千萬雖非盡出斯縣然為斯縣
者亦難矣奚其不弊故舜舉撫大興二年而後能用
其力也嗟乎今作斯縣雖取材工官則固昔者細民
物也夫民今而後得酬之矣嗟乎治亂相乘公私默
運富姦無終據私家不常有權寵者可以戒侵漁有
民社者可以休豪幸矣又曰此酬乎民者特一木石

更增歲
版

耳。若往年盡發沒官金以代一二年軍需而為積疲之民。予當親見其禮樂之典。又自斯縣始矣。役始嘉靖元年秋八月終二年春三月。

涇陽縣脩城記

涇陽西安壯縣北據嵯峨東峙唐原西控小仲山涇水自仲山而南以東帶縣入渭土肥而產秀人豪而物明歲久城圯廳廟單外乃正德丙子知縣盧龍李君某縣丞衡水李君某協恭營城主簿滋州俎豆及典史陳玘乃作涇人役築堵倍舊月城重門鞏固無

詞莊
正意
臣若
兵涿
飛鳥
下而
戰交
昔人
魏公
長城
一此
文
我

前初唐太和間涇流穿城以給民用歲月漸涇亦
疏行如昔復作石渠鐵牖于水門以障城垣三月而
落成於是縣舉人劉直魏弘仁學生吳慙謁記呂子
曰嗟乎有是哉坎明設險豫急暴客城郭溝池以為
固禹湯文武成王周公由此其選也故昔廢巫臣之
戒不備渠丘而楚浹辰克其三都故君子之於城也
山之欲其奠淵之欲其池之邇泉也輦用甃甃規而
礮之欲其闔闢不襲也矩之倍堵五分其堵之廣以
其二為敵臺欲其度也幹用棟榱用榱汗楮如崩堵

花不凋欲其石也。疏而不露者身而遐望欲其隱而
睥睨也。閭門不如里門里門不如公門公門不如廟
門廟門不如城門城門鴻則郭門如翕城門褊則郭門
如拒故觀其郭郭占其金城以保者來以寇者去以
叛者息以貨者聚以禮讓者歸故厚如負鼃望如塗
蛤欲其顯以遠也飛樓厥巔卧卒而頓甲欲其崇以
廣也柝聞之烝城如霰見睨曰消石城如革重蟻蠹
朽金城如木火烈則爍人城無比萬年不破若乃蕭
毫殺游京櫟殺曼伯陳蔡不義殺比渠丘殺無知蒲

賊出君。谷在過城。若乃堅城七十。齊取于燕。長城萬里。漢取于秦。谷在恃城。故君子仁以築堵。禮以闢四門。不貪以立四隅。安安以建樓。法以濟障。文章以鶯雉。堞忠信以表楨幹。仁聲以大郭郭。故郭郭洪遠。人格楨幹崇。適人安。雉堞明下觀。而繫陞險。衆罔敢越。四隅介峻。厥威雷霆。門正由之者。衆堵安。百姓聚樓。列瞻之者。遠。甲戌冬

固原州行水記

正德乙亥鎮守陝西等處右軍都督府都督僉事平

涼趙公文祇奉制勅駐劄于固原州州井苦鹹不可
啖馱汲河而爨水價浮薪朝那湫雙出于都虞山左
流州曰東海右流州曰西海西海大于東海湛澄且
其公及兵備副使景左議道入州乃使都指揮陶文
指揮施範帥卒作渠期月而成襟街帶巷出達南河
過入州學涯為泮池池以石甃面起三梁於是農作
于野率振于伍商賈奔藏于肆士誦于庠學正李佐
暨生員史瞻諸人走狀謁記榘惟易稱井養無窮先
王以勞民勸相夫慈深者策遠見高者謀實義明者

兵法凡城無井不可守矧固原餉兵秣馬之地乎此之行水事約而利傳微是記人以為一沱潛已也

敦本茂敵者重守。風流者植芳。昔趙充國屯田湟中。先零罕开坐困俱降。耿恭際危拜井。而解䟽勒之圖。公斯之舉何可無之。今天下大鎮五。陝西有三。然榆林依紫塞。寧夏負賀蘭。甘肅盤合黎。而據祈連。揔兵各作一邊。長城自堅萬里。惟此固原。雖秉受敵實衆。矧八郡咸維。諸道攸通。三邊一隙。四寇猗突。漠漠平原。莫可扼遏。三輔為之震驚。故元載議城于至德。曹瑋築軍于咸平。忙阿刺立路于至元。故將不作士。遭敵必潰。士不戀土。作之弗起。土靡嘉實。驅之不戀。公

茲之舉可謂授干戈于卒手。納忠勇于士腹。若夫誨
孝弟視衣糧。開輻畧杜侵漁。簡什伍嚴法選。器可由
施此寢。朝廷西顧之憂誰云不然。初柵筮仕史氏
識厥兄。斌于御史字岸洪。遠心竊雅重已而擢貳京
兆賦政。益新由公視之。當誰兄弟也。昔漢張煥段熲
皇甫規。嵩叔姪皆此西北人物。建功當時。史策高上
由公兄弟視之。諸君子難專美矣。公滋懋哉。

新修白鹿洞記

玉溪王公公濟守南康。修白鹿洞。成其僚咸寧馬正

甫為問記予曰洞自唐貞元以來數百年矣奚待玉
溪子而後修記自宋東萊呂氏以來數十首矣奚待
枏而後記是時其僚會稽謝近之方在南京曰夫洞
也李賓客參鹿隱居本以是名繼作者亭閣臺榭樓
館橋圃日新月盛以資遊覽其洞則蕪然沒矣玉溪
子春祭諸賢齋宿於斯夢中得洞於明倫堂後曉鑿
土山深為邃窟甃以貞石匡廬風物胥此焉裒而後
白鹿之洞存夫記也當東萊為晦翁朱子撰述之時
賢哲輻輳蔡沉黃幹季燾張洽皆儒林之美也粵至

魯傳
東萊撰
碑其文
屹嵬闢
揚先生
之記行
益見崇
陽有功

於今老師交承青衿絡繹不啻萬輩求如往日倡明
正學有裨治道者又何寡乎若記出而後白鹿之規
復予嘆曰果然種樹者務本不務剪綵以為花立德
者務行不務空談以為高有事白鹿者不脩其洞而
惟遊覽諸奇之攻則何異於學者馳騫訓詁辭章而
忘其經之正哉夫訓詁辭章盛則經障經障則行漓
行漓則政弊而俗偷賢士大夫之至於斯也乃猶携
壺榼勞供頸臨山釣水徜徉於亭閣臺榭以為樂或
又傲視人世自稱高致則吾不知也聞其地有田數

於斯道
早然躬
行不尚
訓詁辭
章閭也
即使陸
子靜有
知亦當
三嘆

千畝有屋數百間費此田屋以業遊覽之徒今之君子之為計亦左矣宜乎百姓以為地蠹是洞修而諸遊覽之所可廢是記作而諸不在講明經術躬行道義如朱子舊規者可勿入玉溪子名濤開州人舉進士今二十年矣嘗為御史能振綱紀又嘗守平陽予為屬吏親見其政類龔黃茲洞之修朱氏之學其將復興乎是故立師貴行不貴文選徒貴嚴不貴多師徒之進學貴誠不貴虛使玉溪子而能再興朱子之道雖久於南康亦可也若止以修洞名則洞也猶夫

亭閣臺榭也、洞高丈有二尺、深視其高又四尺、工考於嘉靖庚寅之春、

河東書院記

正德甲戌春、御史安陽張子仲脩巡鹽河東、官吏單愆、商民胥悅、夜讀書畫、誨諸河東生、乃從官司之、請作河東書院于上曲、於是諸車人、店人、牙人、願獻木石、暨力、諸工師、願獻能、諸園藪、願獻厥植、乃選義士命理、乃築堵、周七十雉、乃作先門三楹、南面、北渡石杠、儀門三楹、又北講經堂五楹、阿棚前、南面、層階、雙

崔嵬如樓閣富厚如武庫駢鹿如百花春館願願印印如圭如璋是白虎觀文字

桐夾階。桐外有二松。夾陳皆松栢。若槐。東爲崇義齋。五楹。西面。西爲遠利齋。五楹。東面。碑亭二。在二齋南。南面。齋負序。序交儀門之南。墉儀門東。東。踰門南面。東。踰門而北。東上。踰門東中。踰門東下。踰門皆西面。北上。東序在其前三。踰皆南面。三楹。自門折道以登。其榮皆夾樹。下楸中槐上桐。皆皆二梨。其夾階也。皆茨栢。踰皆有厨。二楹。在左。西面。儀門西。西。踰門南面。西。踰門而北。其制如東。踰門而北。表二門皆雙楸。退思堂。背講經堂。北。五楹。南面。二槐夾階。茨栢在其南。

四教亭在堂北亦南面堂東偏南下為左曲房西面
其後胥人房西偏南下為右曲房東面其後隸人房
西墉之西東墉之東蜂房皆四區四教亭北築閣構
樓曰書林上祀三晉名賢側藏籍其林帶水為環池
如圓壁以種蓮泛舟曰天光雲影又北為亂石灘灘
北為山九峰中峰曰仰止亭東曰杏壇西曰桃源旁
皆甃井曰源頭四洞先後山曰遊仙蓮池在山後麓
巖岫巒岩皆有茂木綰霧縈雲故左曰豹變右曰鳳
鳴自環池東為石榴園曰心亭西為蒲萄園月種亭

皆背松棚鞠籬見山在山北西面亭曰攸然其後壯
丹園亭曰麗景又其後紐蘭園亭曰予珮皆西面竹
逕通幽在山北東面亭曰綠猗其後荼蘼園亭曰微
風又其後籍草園亭曰一般皆東面亭皆南面自仰
止山後歷青楊而北為游息亭又北為百果園其山
北東麓西麓皆甃井槐亭甃車上水潛山翼流南過
源頭又南會于亂石灘又南匯為環池環池東南闢
滾過東峰房南紫東號厨至東號門之南東匯為方
塘西會西流于石杠其西南闢流亦如之又北滾分

灌山後諸園。至于百果。故君子入先門。則懷德。瞻儀
門。則正履。視碑。以懼後。居齋。以齊心。陟崇義。思入神。
降遠利。思窒欲。升講經堂。思考業。處退思。以防過。守
四教。以存誠。仰山。以樂仁。覽水。以樂智。觀蜂房。以思
義。仁且智。與義矣。斯周德。日心忠也。月種順也。忠順
不失。斯見歲寒不凋之節。故松棚在其後。松棚者。與
松為朋也。是故歷亂石灘。可以知險。登書林樓。可以
知危。游杏壇。以述古。訪桃源。以濟世。憇悠然。以正出
處。閱麗景。以觀造化。撫綠綺。以成圭壁。賞微風。以識

乾坤。若是乎可以游息矣。故游息亭終焉。壁諸草木
既爾斯果矣。百果園又終焉。

重脩學古書院記

監察御史嘉定程君以道在正德庚辛間以進士初
授三原知縣。庶政咸明。尤敦士習。憫學古書院之圯
也。躬率富人申爲脩廣。乃殿乃枋。乃堂乃齋。乃建致
遠。乃建上庠。下庠。乃建名宦。乃建鄉賢。功績倍前。風
俗且變。訖落成。被上命遷矣。今巡按陝西監察御史
南厓李君元白觀風三原。有賞斯役。乃立石構樓以

說透世
儒骨髓
而因觸
類於政
事思深

昭休烈今三原君鄭君本恭問記焉。柟以憂三辭教授申君偉躬懇之則不獲已。夫昔者柟之在太學也。秦知府世觀嘗言學古於我矣。李子敬之作也。義而勇。蕭集賢之記也。恭而則。王太師之復之記也。正而果。程悅古許慎獨馬雲岩三處士之教也。勤而法。悅古有雲陽志。雲岩有遵述錄。慎獨之學獨不傳。嗟乎。學古之舉其有所感乎。夫古之學不明。異端害之也。夫古之異端猶可闢也。後之異端不可闢也。古之異端猶異類也。後之異端則同。讀古之書者也是故懷

於文字
陸離可
誦翩翩
子齊公
子風流
裴馬意
氣自若

術者稱權。記醜者稱博。諂俗者稱通。臨事含糊淹滯者稱處。談玄者稱高。治辭者稱文。蹈襲性命之言者稱理。斯七稱者。豈不皆學於古。執以成德。則不足以妨政。則有餘。誤天下蒼生者。皆此夫也。老佛其細諸。夫古之學。猶今之學也。語人以古之學。駭然以為惟者。太早者之見也。語人以今之學。蹙然不安者。過高者之見也。某聞之。苟學古人之心。雖行今人之俗。猶古之人也。苟存今人之心。雖讀古人之書。猶今之人也。故縫掖章甫。當時之衣冠也。孔子則用之。人不以

為同塵也。夏時商輅。前代之制度也。孔子則取之。人不以為反古也。故紛亂之內有結繩。矛戟之中有干羽。簞簋之間有汗尊。夫人莫不飲食也。不知其味。則雖嚼無虛口。終日不飽矣。人莫不奔走也。不得其路。則雖行無虛歲。終身無歸矣。若是則書院雖曰學古也。與張秉氏三官廟奚異哉。昔之學古者。莫如仲尼。故曰信而好古。又曰好古敏求。夫信則無二心。敏則有功。既信矣。又焉有不敏也。諸君子師于斯。弟子于斯者。其求所以信之乎。知所以信焉。於學古也何益。

若是豈惟無負于諸作者復者教者哉以道之脩元
白之石亦于是乎如日月也元白名素以道名啓充
乙亥

大科書院記

大科書院者甘泉湛先生與其徒講道之地也西樵
在廣東會城西南百二十里南海之間村山方四十
餘里凡七十有二峯大科乃其第一高峯也正德間
權姦踵橫忠良率遁匿山谷不出先是南海方子叔
賢解綬吏部投隱西樵登關山入翳門關於小科峯

甘泉倡
道東南
海西樵

為友泥
大科為
寓山水
人物俱
稱第一
云此序
盡吐其
奇如繪
如緇三
四請之
神爽欲
飄飄恨
不及飛
越洞岩
而听鍾
鼓頻生
嘯也

西壯石泉洞之前構紫雲書樓以居右傍紫雲峯觀
翠巖伏虎石而左以寶鴨池石排村為依方子以為
得西樵之勝遂號西樵云丁丑之歲甘泉先生守史
官以母夫人憂去免憂乃自增城三百里外携家來
亦隱西樵山中陟相原獻得斯大科以為此西樵之
本山也可以屋處方子曰畱此峯久矣以待甘泉子
耳陳謨曰西樵東峙而西壯面故山勢東自鷄冠頂
玉泉巖雲谷洞而來東北自江浦巡司歷黃旗崗望
夫石碧雲村而來東南自閘頭歷聚仙臺紫姑峯龍

仄村而來其脉皆結于大科故大科在小科之南群
峯之中獨崇廣焉大科之下為煙霞洞兩面在仙掌
巖之北先生所注二禮處也巖東為煙霞後洞門東
北開其前也為仰止亭蓋主仰大科峯而設自此亦
可以登大科云煙霞洞之東作崇經樓又其前作茹
芝堂又其前作正義堂又其前作樂閣閣下為門
皆西北面門外朋石矗立如雙扉拱開又曰石門大
鼓石在茹芝之左又其左至于望沙臺皆峯律奇峯
也金鐘石在石門之右北與鵬鵠嶺諸峯竝峙大鼓

石者山人以聲名也金鐘石者山人以形名也古者
學設鐘鼓以考業斯二石其天設乎已庚之間四方
學者雲集難容諸生乃共作凝道堂三楹於石門之
下亦西壯面左右移皆有業館曰寅賓亦如堂面其
南作進脩齋壯面齋移皆業館亦皆壯面其壯作敬
義齋館以對進脩齋制亦如之又作業館二於其前
東南面以與賓館上對乃作禮門于二館之中扁曰
大科書院自門而前越長嶺經雲路村又前過橫嶺
乃東適鴨頭西適大淵之通衢也於是撫巡諸公命

有司建太史第之石坊於禮門之前其西有池曰月池池外有田田外爲煙霞洞門蓋坊非先生之志而又以煙霞表其先門也洞門之西有錦巖庵其北有泉自鵬塢峯來經月池之前西穿洞門而出以合巖背村南來之泉下逕錦叢林中爲水簾懸下四時如一於是龍泉壯經石子田村而來垂虹泉南自雲端村陽而來皆先後入水簾之下會爲瀑布於廣老坪注于石澗西樵之靈脉皆萃是矣石澗之北有樂堯庄先生常偕門人刈禾處也觀音巖在石澗之西上

下巉巖人不能到其麓有保鎮寺而石澗則直出數
百丈瀉下經觀音巖之右衝擊嚮震注寺後遶寺前
壯會於風門凹之前又壯流三里達于急水亦大科
前之一奇觀也其雙泉發大科之前麓折而西北行
歷寶鴨池瀑布而下又西繞雙魚麓而北諸小泉皆
歸之又北穿石橋抵石泉又北東會于觀翠巖泉為
湖直達石泉洞則先生與方子日沿流而東往來之
境也雙泉壯會衆流過無底井繞石笋注於猪坑達
于江大科之後麓有三泉焉一發南麓瀑布而下經

雲谷洞陰而東一發五指石東經雲谷洞陽而東一發壯麓至雲谷之壯會二泉于大坑東過石笠至玉泉巖為水簾而下東入于江玉泉巖寬朗曠夷先生常至此以望增城者也湛子講學巖在九龍洞龍瓜村東南紫姑峯西北與通天岩柱笏臺九龍巖萬竹臺相聯植一泉西自冲天鳳繞寶峯寺而東徑九龍洞而南皆環流講學巖外徑七星巖而洞在丹巖千仞之中蓋為西樵最幽之處其程鄉縣人監生陳洪顯置學田二十有八畝則在山下曰請記呂枏曰嗟

乎自宋程張二氏發揮孔孟論仁之旨其後教者罔或知授學者靡或肯求故斯學鮮矣甘泉先生之在大科豈獨與其徒優遊山水以避世哉近嘗讀其大科規訓自諸生服食動靜之微性命舉業之通童僕薪水之細莫非據仁以陶鎔學者若能守之雖頑如石可柔懦如常可強昏昧如醉夢可醒躁妄如猿猱可定殘忍如豺虎可慈耆昔為先生禮闈所取士每謁先生聞言斯懌觀容斯肅退未嘗不矯揉鈍質也今大科之士親受規訓其所得必有多於我者宜先

生往年被徵而大科士六七人輕萬里之遠易半年之程茂科舉之利從先生而仕來也諸君今次第且還西樵其常如先生之在大科乎幸勿止以山水之佳空自適

學易窩記

荆溪子築學易窩成問記焉涇野子曰易手也易足也既謂之手又謂之足何曰不手則僂不足則跛能持而行易在斯乎何以不言心曰持亦心也行亦心也何持無心何行無心則何以言學之曰凡天地皆

物。凡物皆身。身而不物。則僻。物而不身。則馳。身物咸通。曰易。是故孔子之翼。周公之爻也。周公之爻。文王之卦也。文王之卦。伏羲之畫也。伏羲之畫。仰觀天文。俯察地理。遠取諸物。以近取諸身也。然則孔子五十而始學易。衝四十而學易。不可乎。曰。有聖人之學。有賢人之學。有學者之學。聖人之學。究其極也。賢人之學。思其誠也。學者之學。求諸始也。荆溪子心明而習正。能即身以見物。其庶乎。

靜修書屋記

襄陽劉孟禽從予遊於鷲峰東所聞予說論語輒辯
難不置不以忤予爲難而以窮予爲信故每有說予
必以孟禽爲可知而孟禽既退以予說爲必可行也
他日又作請益數十條以問予予俱答之以孟禽爲
可問而孟禽亦以予所答者爲必可得也然請益之
條雖多論語疑義其一條曰鸞於仲冬二十一日期
當聽講以陰雨晦冥靜坐閉戶頓覺此心虛明凡有
觀覽便自省悟似於道理有會合處若可上達竊謂
一日無欲可作一日聖人一月無欲可作一月聖人

發揮靜字
極的確不
然則習靜
而禪乎吾
儒以無欲
為靜以處
多欲而不
亂為靜之
妙境斯誠
門而射箭
中紅心矣
又曰動直
乃能靜虛
先後著耳

終身無欲可作終身聖人不知是否予答曰有志之言也但恐入市朝時或有欲則與閉戶靜坐時又不
同矣故聖人無入而不無欲一靜坐不可便了也子
如視金革百萬之衆甲科烜赫之榮文繡峻雕之美
貨財充積之盛艱難拂亂之際耄耋昏倦之日皆如
此號房之靜坐也人雖曰子之非聖人也吾不信矣
孟禽且歸乃又問曰昔者吾父嘗築一室名曰槐衢
書屋命鸞會友講學其中積十年而鸞舉於湖廣於
學似頗有聞皆槐衢靜修之故也鸞遂捐坊牌餘金

易隙地於襄城東南誅茅爲廬扁曰靜脩書屋追憶
先人以圖後進敢請一記予嘆曰孟禽前靜坐有得
之言其亦本於此乎昔者諸葛孔明之隱隆中也嘗
曰才須學曰學須靜也非學無以成其才非靜無以
成其學及其既相先主遂用開誠布公之道以建恢
復漢室之功然則靜脩書屋將孟禽亦聞孔明之風
而思興起者乎斯歸也勿忘前言勿廢前緒以聖人
爲必可學而至斯不負靜脩之意耳然則靜脩亦可
爲聖人乎曰聖人之道惟仁爲大夫子曰仁者靜且

託記克
孝誠篤
而第師
先輩風
令人慨
慕

聖人定之以中正仁義而主靜亦汝鄉周茂叔之言也孟禽果能有得於斯則仲宣之樓習家之池不暇念及矣書屋凡若干穩

明誠精舍記

明誠精舍者太學生解人王克孝光祖之所建也初嘉靖三年秋予自翰林謫判解州克孝同諸士子從予遊於冰玉堂當是時克孝年弱冠即穎拔出群器識超邁及予建解梁書院克孝則同丘孟學日夜侍予於禮和堂當其篤志迅往與孟常爭先焉六年予

改官南曹克孝有懷於予文負笈渡江侍予於鷺峰
東所一日出學思錄數卷以觀多記予嘗言細行或
克孝有問予偶答之語予初不知而克孝私錄者也
微克孝至江南雖予亦不知克孝矣以後克孝與伏
寧胡孺道大器同齋寢處強志精思數至夜分躬行
實踐蔑視榮利又能佐予作史約藁凡南都之貴官
顯人未嘗一謁其門雖奇山名水天下以爲勝槩者
未嘗少遊覽焉若非其中有所重於此者豈能至是
乎居洽年克孝以父經府君老思歸省且曰光祖抵

師弟相
與意氣
海內豈
乏人唯

家必建一精舍上奉先師夫子及顏孟至馬薛七八
賢脩道其傍其何以爲精舍之扁乎予曰中庸論進
道惟以知行爲事論知行惟以明誠爲功論明誠有
爲已知幾之資質者爲本蓋爲已者文溫理入誠之
資也知幾者遠近風自入明之資也人無此資則必
不能謹獨以入明誠之域矣故程子曰便儂校利去
道遠而吾行天下閱人多矣克孝可謂有是資質者
矣斯精舍也當以明誠爲題乎克孝既去之明年予
以公務北行聞克孝卒矣他日路至真定而西取道

學不求
知則所
習於涇
野者深
乎夫人
資質之
近道一
神動處
便如錦
花水月
撲滅不
得奈何
奪之速

乃過哭克孝之墓經府君乃邀予至其家見明誠精
舍謁先師諸賢之祠規模峻整堂宇幽邃婉然如與
予所談者其銘座警辟一言一字多出於予校淚不
能觀嘆曰克孝相信一至此乎予雖能言不如克孝
之能行也經府君曰此兒自立此精舍學每至鷄啼
而後寢我呼之曰他人之爲學者計取科第爲人所
知光祖既棄舉業何勞空自苦如此當誰知之對曰
豈有爲學之士要使人知乎經府君泣下予亦泣下
侍坐者十餘生皆環泣下予嘆曰此明誠精舍不徒

也

立也予再至江南經府君使人來曰兒光祖爲此精
舍厥心良苦先生何記之慰其心於九泉予遂次第
其事而歸之時嘉靖十三年冬也克孝所著有學思
錄七卷并女戒牧民篇

涇野先生文集卷之十八